



大明英宗睿皇帝實錄

天順元年六月

癸巳朔

賜蜀府華陽王第二子名曰申劉第三子名曰申

鈿

命故新寧伯譚環子祐龍封新寧伯先是環卒嫡子

裕龍爵未幾亦卒祐其庶子也至是命龍之賜

鎮守遼東東寧伯焦禮勲號散官給誥券追封三

代及妻工部主事等官屈銓等二百四十八員

生監會赦命魁蒞間任工部委官主事陳濬奏

暹羅國使馬黃報等收買山東飢民子女帶回為
奴不惟良賤失倫抑且使彼譏笑中國乞遣官星
馳追及就於所在官司給官錢贖回送赴原籍完
聚從之 韃子犯玉林衛遊擊將軍石彪擊敗之
斬首三級獲馬八匹 日生背氣左右珥色皆青
赤夜彗星見於室宿芒角長丈餘

甲午

烏思藏南連查等寺刺麻番僧庵配等來朝貢
氈等物賜宴并綵帶衣服有差 給晉府輔國將
大軍鍾鏗鍾鉅歲祿各八百石靖江王府鎮國中尉

相顯四百石俱米鈔中半兼支 邵陽王公鏗奏

子女衆多乞賜水方脉醫人 壽寧侯王公鏗奏

上命於王府良醫所撥一名予之 忠國公石亨奏

沿邊營堡多缺馬騎操乞以慶陽府靈川監課司

監召商納馬事下戶部覆奏納馬一匹上等者與

監一百引中等者八十引從之 右都御史耿九

疇右副都御史羅綺下錦衣衛獄初御史楊瑄既

奏吉祥石亨侵占民田不法

上從徐有貞等言以瑄所奏為是命覆實所侵田於
是兵部道監察御史張鵬等合章劾亨諸不法

事兵科都給事中王鉉知之以告亨亨入訴于
上云鵬乃已誅奸臣內官張永之姪故結連諸御史
誣已

上命收鵬及瑄遂御文華殿悉召諸御史面詰之諸

御史歷舉所劾之有驗

上曰亨諸罪如實汝得等當時何得不即劾之乃至今

始言邪命錦衣衛悉收諸御史下獄且寃其主使

之者至是錦衣衛奏諸御史劾亨皆九疇綺所諷

故并執問之安南國王黎睿奏欽蒙朝廷封以

王爵臣祇承朝命已十餘年伏望賜臣袞冕依朝

鮮國王例

上不從安南國陪臣黎文老奏詩書所以淑人心

藥石所以壽人命本國自古以來每資中國書籍

藥材以明道理以躋壽域今乞循舊習以帶來土

產香味等物易其所無回國費用從之

乙未

准王祁銓奏敬躬詣淮靖王墳園首祭以盡人子

進慕之誠從之給沁水玉幼壙歲祿一千石本

色七百石折色三百石萊煤戶各一給樂平王

冲焚靈川監課司監歲五十引興平王志埽歲三

十引俱從其請也。移置直隸常州府江陰縣利
港巡檢司於夏港口從巡檢史莊奏也。守備偏
頭關都督同知杜忠奏本關極臨造繳營堡墩臺
七十餘所俱用士卒防守官軍四千餘人適亡者
亦多今難賊不退乞將山西都司大同退回防秋
官軍及曲陽等縣民壯馬匹督令本關防禦從之
丙申

慶成恭僖王庶長子鎮國將軍鍾鑑奏父存日所
遺寡婦及買使女入府使用數多今父薨祿米截
日住支供給不敷且婦女無人管束皆有依親之

願除年老無歸者臣自行養贍欲將少壯有依者
給親完聚俾無幽滯。臨潼王公銘奏景泰間本府無
上覽奏稱善從之。臨潼王公銘奏景泰間本府無
人給使自用錢物買^盤屋等縣靜身人陶瑛等五
名入府使用乞念親親存留本府禮部奏其違例
上命移文取之。陞韃官副千戶李鐸為都督僉事
後府帶俸。總兵官忠國公石亨奏自^古人臣受
恩稠疊委掌兵權未有久而不取禍敗者所以宋
太祖憫石守信等解釋兵柄正為此也臣一介武
夫材識疎淺所行公事雖竭駑鈍之力未能盡善

是以啟人猜忌伏蒙

聖明洞見本末不加臣罪然臣受恩深重權位太隆
合當退位况今天時亢旱百姓不安胡虜猖獗邊
鄙不寧臣難逃其責伏望

皇上憫臣微勞將臣兵權職掌俱各解去俾臣隨朝
聽調庶得保全儻遇警急即往殺賊以圖補報如
或不忍去臣優待如故竊恐讒謗既久疑似日生
臣雖萬口難辨死無葬所笑不聽 太監韋力轉

以工部右侍郎霍瑄奏其罪下錦衣衛獄遂條奏
瑄當同都御史羊富侵盜官物且行賂於都督石

彪強取所部女子十三人為妾都察院請收瑄與
力轉質其有無進進入進一進本進西進志進命進賞
上命俱宥之

丁酉
調兵部右侍郎龔永吉為南京右侍郎陳汝言屢
以語侵尚書王驥指永吉為驥私舉驥不自安請
調永吉於南京故有是命

命刑部右侍郎劉廣衡署掌都察院事以右都御史
耿九疇等坐事下獄故也 錦衣衛軍伍趙福等
自陳景泰間御用監左少監阮浪密令搃繪神像

祝延

聖壽乞量陞擢以酬微勞不聽

備都督同知杜忠帥官軍擊收之斬首三級生擒

一人

戊戌

調礼科右給事中周監為四川崇慶州判官以其

奏對語音不正故也

己亥

直隸鳳陽府定遠縣遣人獻瑞^夢一本兩歧命賞

鈔一百貫保定王公鍊奏缺織金袞龍紅青黑

綠紵絲紗羅常服各色襖衣乞各賜一襲

上命尚衣監如數製予之

命順天府治中沙安復任食正四品俸安督採柴炭

於揚州任滿當遷以吏民保留故有是命 武功

伯兼華蓋殿大學士徐有貞吏部尚書兼翰林院學

士李賢下錦衣衛獄初有貞附石亭有迎復功既

執政以身及吉祥貪橫欲正之數言於

上會其罪道御史亦以欲劾身為亭所訴詞連都御

史耿九疇羅綺俱下獄鞠謂其阿附有貞及賢主

使御史初亭

上命六科十三道劾有負賢欲獨專擅威權排斥勳
舊遂亦下獄是日晴霽酉刻大風雷雨驟從西
北來蒺藜樹壞屋頂更兩雹大如雞卵至地經時不
化奉天門東吻牌摧毀欵天監掌監事禮部右侍
郎湯序等奏雹者陰陽也盛陽雨水湯熱陰氣
賜之時轉為雹今聽政之所有此災異是上天垂
戒於

皇上也古書曰凡兩雹所起必有愁怨不平之事又
曰為兵為飢在國都則咎在君相任用賢則咎
除臣等伏乞

皇上謹遵天戒修省寬恤天下刑獄

上覽奏稱善諭群臣曰上天示戒固朕菲德不能召
和亦爾群臣不能盡職或刑獄冤濫所致朕自當
修省爾群臣益當警惕內外刑獄有冤濫未伸者
宜加寬恤該衙門詳議以聞

指東壁上皇

庚子

命通政使司左叅議兼翰林院侍講呂原於內閣叅
預機務請遠伯兵部尚書王驥以老疾乞致仕
上從之仍令朝朔望

命兵部右侍郎陳汝言掌部事降武功伯兼華蓋殿
大學士徐有貞為廣東右叅政吏部尚書兼翰林
院學士李賢為福建右叅政都察院右都御史耿
九疇為江西右布政使右副都御史羅綺為廣西
右叅政調監察御史盛顛費廣周武張寬王鑑趙
本博彭烈張奎李人儀邵銅鄭冕陶復俱為知縣
調監察御史楊瑄張鵬充鐵嶺衛軍有貞等俱以
排斥忠國公石亨得罪下獄會有風雷雨雹之變
上感悟亨等亦懼請輕其罪於是遂宥有貞等俱降
皇調外任策調瑄鵬以其首謀也左都御史沈固

在景泰時已致仕歸家妻孫氏卒墓訖有司循例
具奏遣官致祭至是固復起為戶部尚書奏言孫
氏停喪未葬乞賜祭祀造墳安葬許之

辛丑

世宗

命

詔

命

詔

命

詔

除保安王公餽原買成寧長安興平等縣田租稅
二十一石有奇從王奏請也調給事中何玘等
十三員為判官監察御史吳禎等二十三員為知
縣尋命復職太監曹吉祥忠國公石亨以御史言
其過惡劾籍制言路共譖御史給事中之短
上命吏部尚書王翱查御史給事中年三十五以上

者留任事三十五以下者調用得現預等三十六
人俱調之命既下會有風雷兩電之變
上悟召翺等諭之曰給事中御史朝廷近侍耳目之
官何乃聽人主使妄劾人論法難容但念職當言
路俱留任事自後言事務須從實否則治以重罪
不貸雲南武定軍民府士官知府吳本奏乞本
身并母妻詰命

上以士人特許之

壬寅

給昌化王佐塚歲祿二千石本色一千石折色一

千石絹銀絹布疋交城王美境歲祿一千五百石
朱鈔中半兼支秦世子公錫奏父康王薨墳園
碑石係罪人王文撰文陳循篆額不可垂示後人

命乞改命儒臣撰篆立石國本所難

上曰君子不以人廢言姑已之命故少師吏部尚
書蹇義孫霖同中書舍人習寫詰勅從霖奏請也
礼部左侍郎兼翰林院學士薛瑄以老疾乞致仕
許之秋光祿太常二寺老疾厨後四百九十三人
還原籍追贈故監察御史鍾同為大理寺左寺丞
仍以其子為監生以同在景泰間以言獲罪致死

也
登那
賜代府昌化王次子鎮國將軍成錢誥命冠服命
鎮國將軍鍾鏞歲祿一千石平晉縣王歲祿三百
石天順元年二年俱^支本色從交城王美院奏其
上膳修房屋之用也

命翰林院修撰岳正於內閣叅預機務 兵部尚書

石璞自湖廣提督軍務召還以其老疾命致仕
免陝西甘州中護等衛及臨洮府所屬去歲旱傷
由糧九千九百九十石有奇 戶部奏遼東廣寧

前左後屯寧遠等倉俱缺糧儲乞將兩淮兩浙運
司今年存積鹽及兩淮景泰七年灶丁糧草折鹽
召商納糧以備支用仍定則例兩淮鹽每引米六
斗兩浙鹽每引四斗從之 宥都督僉事李顯罪
命復職聽調時李未使臣至大同怒顯致接怠慢
殺死官軍總兵官李文奏其狀遂執顯論以斬罪
上曰顯激變虜開邊釁罪不可恕姑曲貸之令復職
聽李文調 刑部請寬減內外輕重罪因
上命坐死可矜疑者以聞雜犯死及徒流遇減三等
杖以下悉宥之

甲辰

四川馬湖府沐川長官司解結禪寺土僧守和等
來朝貢馬及方物賜宴并綵段衣服有差 命除
福建右叅政李賢復為吏部右侍郎時賢既降官
左右有言於

上曰賢雖與有貞同事然事皆有貞行之賢未嘗多
言不當降出遠方宜特留之故有是命 命工部
左侍郎孫弘督修正陽門等城門接舖 調礼科
左給事中陳謨為山東東平州判官以其奏對語
音不正也錦衣衛鞠監察御史劉泰魏瀚康驥同

張鵬等撰劫石亭章論徒

上曰御史朝廷耳目而妄劾人於法本難容但念其
職當言路姑宥之其各警戒于後毋得復然 刑
部言近例令各處巡按御史按察司會都布二司
審重輕滯獄恐地里廣遠御史一時不能徧歷宜
令御史三司分審從之 夜月犯罰星北方有黑
氣彌而且厚如山林烟火狀

乙巳

上親告于 昊天上帝曰茲者星文示變首犯營室占者謂咎在

母後繼以暴風而雹拔樹破屋遂致奉天門吻牌摧
毀日者謂政有闕失臣某省躬思罪深疚于衷伏
望

天慈俯賜靈佑轉災為福上延

母后之壽年下恕微臣之罪過臣當兢惕自新仰承
靈貺臣某下情無任激切懇禱之至
起復都察
院左副都御史寇深掌本院事
調江西都指揮
僉事張瑛於福建都司以武城後衛帶俸署都指
揮僉事周泉補之從巡撫江西右僉都御史韓雍
言瑛與寧府儀賓韓輔等結親事涉嫌疑故有是

命擢監生李珣為後軍都督府都事從忠國公
石亨奏保也
韃賊犯莊浪連罕禿營守備都指
揮魏榮以聞

上命兵部馳文甘肅總兵官宋晟等調兵擊之
命誅左副都御史蔣琳梟其首噴州琳既下獄許僉
事李叔義誣已且云貴州亂離之後邊事窘迫夷
情兇狠懲姦不得不嚴故多怨謗又云給事中張
浩御史楊貢等因已就逮遂不公於案聽又言遠
在萬里豈知于謙等不軌之謀

上不聽命廷臣翰之坐琳謀殺人斬決不待時遂有

是命命夜孛星犯天大將軍

丙午里道

賜朝鮮國陪臣黃守身等二十八人宴

丁未

賜韓府鎮國將軍範峻庶生子名曰傲籍

命南京試監察御史朱毅林傑鄭安葛淵顏正董琳

上舉身俱授監察御史

勅都指揮同知石瑞守備涿州

命江西布政司右叅議蔣性中按察司僉事李璿致

仕以右僉都御史韓雍考其老疾也

安南國使

臣黎文老等陛辭

上賜其國王黎璿織金文綺并綵絹二十疋錦四段

俱命文老賚與之勅諭璿曰朕惟功過不能相掩

賞罰各有攸當如王職貢恪修朕實嘉之至於有

罪奚可不告近者廣東守臣奏爾國人擗駕三挽

船隻往來廣東珠池或二隻或三隻多至一百五

十餘隻竊取玳珠歲無虛日致被守者擒獲四人

其人招稱范負程留武廉范竟俱係爾國南策下

路峽山等縣人民此雖小事實傷大體謂爾故縱

耶則於臣節有虧謂爾不知耶則典守者不得辭

其責也勅至亦宜自省以銷厥愆毋或執迷故干
大戮心總兵官志國公石亨奏勘得沿邊振武等
衛先年選取在官操備舍餘民壯人等遇有警急
調遣同官軍出戰其口糧料草乞一體支給又山
西大同府朔州等處地臨極邊近被韃賊侵犯軍
民田土多未耕種乞令山西布按二司管糧官查
勘果未耕種者其子粒稅糧乞為除豁從之

戊申

給沁源王幼埼平遙王幼墀煤戶菜戶各二戶俱
從王奏請也王陞雲南總兵官都督同知沐璘為

命石都督先是軍民耆老屢赴鎮守巡按等處官歷
言璘鎮守以來威惠遠著事安民安乞具聞增秩
以獎其勞御史等言於朝故有是命王陞兵部右
侍郎陳汝言為本部尚書吏部驗封司郎中郝璜
為兵部右侍郎從忠國公石亨等薦也王陞江西
按察司副使陳价為貴州按察司復除浙江右叅
議唐世良於福建布政司以親喪服闋也王陞
命番僧鎖南綽卓兒為都綱給印并賜勅諭王遊擊
將軍右都督石應泰率領官軍叅將張鵬等出哨
回至磨兒山駐劄偵報賊至隨布陣五處設伏據

險以待之少頃賊有千餘人馬列陣而來隨督官
軍奮勇衝入賊陣斬賊首把禿王奪其旗幟衣甲
命大敗賊衆斬首一百二級生擒二十八獲馬二百
匹甲冑六十副餘賊奔散追至三山墩連戰又敗
之斬首七十二級事聞兵部臣言各邊今歲五月
以來連被賊虜侵擾軍民被害今魁等乃能肅將
天威致此克捷宜陞賚魁等以為各邊將官之勸
上曰魁等姑待之仍將李文揚能與魁累次殺賊有
功官軍通審明白具聞以憑陞賞
命都指揮僉事李鑑協同楊信守備延安東路從忠

國公石亨請也

命江西左叅議張翰冠帶閑住以右僉都御史韓雍
考其粗暴不諳政體也 夜有流星大如杯色赤
燭地出火大將軍西南行至滕蛇
庚戌

直隸徽州府知府孫遇道知縣黃謙獻瑞麥休寧
命縣大麥一莖四穗者一本兩穗者五●三本畝縣
大麥一莖三穗者一本兩穗者一十四本小麥一
莖兩穗者三本命賞議鈔一百貫 調前府左都
督劉聚於南京中府左府都督同知許貴於南京

左府右府都督同知張斌於南京右府前府都督
同知范雄於南京前府後府都督僉事張通於南
京後府
命湖廣都指揮同知許朝復職輔先以疾免至是遇
例故也
辛亥

遣中官祭中雷之神
伊王顯炅奏本府典寶等
官負缺

上命陞內使連芳為典寶副王駟為門副遣書復之
臨潼王公銘奏府中之人

上遣內使阮延等二名給之

命都督同知盛廣充右叅將分守大同西路
大理寺左少卿廖莊自陳景泰間以進言被箠降為定

命羗驛丞今

皇上復登大寶取臣復前職臣父孟素母黎氏已卒
例應呈祭詔從之
遊擊將軍右都督石彪解賊磨
命兎山所擒韃賊至京法司請悉誅之
上命綱于錦衣衛獄

壬子申四禁山

金吾等衛舍人李銘等自宮赴通政司具奏通政

使王復等言各人希求進用宜送法司究治詔從
之因申明禁止 夜夢星經犯卷舌第三星

命給宜川王公錠歲祿一千石本色七百石折色三
百石益陽王豪璣歲祿一千石全支本色俱以王
自陳艱難故也

命福建都指揮使秦敏復職敏先生事調廣西立功
至是遇例故也 復命侯伯及內官印儀摹牧馬
駒舊制每年印儀馬駒俱遣侯伯及內官往景泰
之間言者論侯伯及內官多事賄賂馬政凋耗宜止

差御史印儀朝廷從之至是南京御馬監太監馬
琳奏宜用舊制事下兵部尚書陳汝言言宜從琳
請故有是命

重賜秦府保安王弟鎮國將軍公鍍紅織金紵絲
紗羅白捍常服各一從王奏請也

守備楊和等衛山西行都指揮同知曹安奏請往

乘輿過陽和魯遣人獻衣膳等物蒙陸都督至今未

來魯曾授乞申前命從之

丙辰

後府帶俸都督僉事陳守忠本虜族來歸既由都
指揮使陞都督僉事矣至是屢乞再陞兵部言其
無厭不宜允

上曰其虜歸順正圖官階其陞都督同知

命吏部驍封司負外郎萬祺署本司郎中事主事張

馬署負外郎事免直隸大名府所屬及山、衛

去歲災傷田租稅子粒二萬二千五百二十四石

草三十四萬七千六百九十餘束

丁巳

命賜岷府江川王徽媚母夫人趙氏誥命冠服及王

冕冠履從王奏請也陞都督僉事毛忠為都督同

知

命故金吾右衛帶俸都指揮僉事戎亨弟勝襲為本

上衛指揮使改封正一嗣教冲虛守素紹祖崇法

妙契玄機弘悟大真人掌天下道教事張元吉為

正一嗣教冲虛守素紹祖崇法安恬樂靜玄同大

真人掌天下道教事婁胡氏志和履善冲靜玄君

為冲和恭靜玄君給以誥命

大明英宗睿皇帝實錄

通鑑三卷第一卷

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

太子召曰見海都曰之子召曰見

大明英宗睿皇帝實錄

天順元年秋七月壬戌朔享

太廟建中官祭司門之神興濟伯兼禮部尚書

蘇揚善等奏通者岷王徽燥言

皇上復登天位

太子亦復正東宮仰惟

皇太后聖德懿範保乂

宗社及

皇太子六七年間賴以平安雖三代后妃功德莫

及也伏望隆加尊號詔示天下

上命臣等定議臣等議得誠如岷王所請然考之禮
文及天子即位上尊母后為皇太后此古今之通
宗道也今除加尊號國朝制度未嘗具載臣等請同
翰林院稽考禮制斟酌奏請

上曰子亦好王東宮叩謝

皇太后功德理當尊崇但

祖宗以來無加尊號之禮朕守成憲不敢有違於是

致書報王曰承諭尊崇

母后太子私情非不欲爾但非

祖宗之制不敢勉徇以如叔祖之請惟叔祖亮之

增岷王徽燦曲陽王美堯歲祿各三百石從二王
請也給瀋府廣宗王幼林唐山王幼壻永年王幼
塔歲祿各二千石陽曲王府鎮國將軍鍾鐸歲祿
一千石遼府石首郡王并儀賓劉達歲祿八百石
益陽王府上溪縣主并儀賓蘭廣靈岳王府樂城
縣主并儀賓孫完歲祿各六百石俱米鈔兼支

賜湖廣按察司按察使馮誠僉事程志學江西撫州
府知府王宇直隸保定府知府傅霖山西大同府
知府霍瑄太原府知府孫屠山東兗州府同知黃
瑜直隸安州知州陳綸陝西金州知州王瑄山東

漢州知府毛晟平慶州知州張福武定州同楊忠
東昌府推官林琦棠邑縣知縣彭述樂安縣知縣
高漸湖廣辰州府辰溪縣知縣杭宗道山東邦城
縣主簿方鏞誥勅并封贈其祖父母父母妻如制
誠等皆以巡撫巡按官奏保其治行卓異故旌之
也福建按察司僉事趙訪奏正統年間例官吏
坐贓枉法死罪充軍徒流而下皆贖罪為民近奉
詔凡文職犯贓枉法者俱充軍不無輕重失宜乞
仍如正統年間例行之為便事下法司議以為然
從之夜北方有星大如盞色青白尾跡有光起

自壬辰正西行至織女星沒

祭亥

禮部奏中元節祭祀在邇邨戾王墳墓或依越靖
王例祭祀或免祭未敢定奪

上曰邨戾王及懷獻世子俱依例祭之

督府都事徐訥為尚寶司司丞訥故致仕兵部尚
書晞之子初以父乞恩授都事養病還鄉至是病
愈又請陞職故有是命

命直隸徽州府知州府孫遇復任食正三品俸遇居官
勤慎有惠及民兩以親喪去屬民保留復任至是

任滿九載民復留之右僉都御史李秉以聞故有
命是命

命廣東布政司左叅政徐正致仕以總督兩廣左都
御史馬昂考其老疾故也 脩理朝陽門至通州
一帶橋道時夏雨驟集道多積水橋亦指壞糧運
不便故命脩理之 襄城王府扶風縣主卒遣中
官致祭命有司營塋

甲子

安塞王秩是以冊立

東宮致詣京慶賢

上以署月遠道跋涉非宜復書止之 調山西按察

司副使章繪於江西按察司陞浙江道監察御史

牟俸為福建僉司刑部廣東司主事袁凱為江西

僉事

命羽林前衛指揮使王政錦衣衛指揮同知盧英

曹得曹任脫脫台金吾右衛指揮同知高文俱子

孫世襲以南城迎駕功也 脩神機營火雷前後

殿及教場官廳 吏部左侍郎李賢初謫福建右

叅政時都督李鐸朦朧奏請占其私居既而賢留

上命賢復居之 後軍左都督皮兒馬黑麻往迤北

一字來處公幹因率其族屬七十餘人來歸命送錦
衣衛安插給房屋器物

仁孝文皇后忌辰遣官祭

長陵

復前貴州布政司右叅議盧彬職在貴州受土人

金下都察院獄默為民至是彬奏巡撫右副都御

史蔣琳等獲証陷前罪又言總兵官石亨與臣同

鄉向見臣被証館臣於家數與臣密謀南城事因

撰詔藁付亨默相事機之功臣寔有馬乞加錄焉

上問亨亨以為然故命彬復職彬逗留不赴任朝夕

希覲重用亨屢薦彬宜入文淵閣

上不允

廣東右叅政徐有貞下獄 南京兵部右侍郎宋

瑛卒瑛字廷圭浙江奉化縣人永樂乙未進士改

翰林庶吉士與脩性理大全授中書舍人宣德初

陞行在禮部主事預脩

宣宗錄錄轉吏部考功入內府授內使書太監王振

重之正統中陞河南右叅政景泰四年入為太僕

寺卿遷兵部右侍郎以中官受業者之力也

上初復位改南京兵部主是卒賜葬祭琰為人溫雅
好學旁通風鑒星命諸術

宣丙寅

夜承天門災

丁卯

上躬禱于
昊天上帝

后土皇帝地祇曰恭惟皇天眷命復承大統深思負荷

之難惟以弗勝是懼即位以來災異屢現星變不

消烈風震雷披樹壞屋午門吻牌摧毀承天閣樓

被災臣觀此變異不勝驚惶

上天示戒必有其由意者事

天法

祖未盡其誠歟爵賞刑罰未得其當歟忠良者未盡

用而姦邪者未盡去歟所見不明而信讒任佞歟

節檢不崇而侈用傷財歟徵斂撻剋之政不息而

刑獄寬濫之未嘗歟以致民日困窮人懷嗟怨故

天威震怒災譴頻臻臣某自今深咎于衷省躬思罪

庸加懲艾改過自新仰體仁恩大赦天下伏祈洪

造曲賜宥原轉福為祥用寧家國臣不勝惶懼待

罪之至復遣會昌侯孫維宗太平侯張軌文安伯
張軌刑部右侍郎劉廣衡痛告

太廟

社稷山川城隍等神詞曰某風以菲德新復大位政

有闕違獲戾於上此者星文見異風雷致災午門

吻牌頽毀承天門接被災臣某省躬思咎莫知所

由仰冀洪慈俯賜矜憐轉災為福永底安寧不勝

惶懼懇祈之至謹告

新昌王磐炷陵川王信燧

各奏臣歲祿二千石米鈔中半無支然宮眷衆多

乞每歲增支米二百石從之勅都指揮僉事陳

亮總管提督密雲古北口等處操備

戊辰

勅諭文武羣臣曰朕以菲德恭膺

天命祇復寶祚于今半年圖治雖勤應天無效乃天

順元年七月初六日承天門災朕心震驚因知所

措意者敬事

天神有未盡歟

祖宗成憲有不尊歟善惡不分而用舍乖歟曲直不

便而刑獄寬歟征調多方而軍旅勞歟賞賚無度

而府庫虛歟請謁不息而官爵濫歟賄賂公行而

政事糜歟朋姦歟罔而阿附權勢歟群法^x而擅
作威福歟徵歟徭役之法太重而閭閻田里靡歟
讒諂奔競之徒倖進而忠言正^士不用歟抑為軍
衛有司者闡葺酷暴貪冒無厭而致軍民不得其
所歟凡若此者皆傷和致災之由而朕或有所未
明今朕省愆思咎怵惕是存爾文武群臣既任朕
肱耳目之寄當懷左右輔弼之圖况君臣一體休
戚惟均果有合行事宜必當直言無隱其或躬蹈
前非亦宜洗心改過嗚呼應天者當以實政弭災
者不事虛文朕與爾等尚懋敬之四川烏思藏刺

麻木牙温卜言彙等廣東臨高縣土官舍人倪澤
等俱來朝貢馬及方物^賜銀鈔絲幣表裏襲衣有差
已巳

聖 後軍都督僉事季鐸奏正統十四年臣與金吾前
衛指揮僉事萬友濟陽衛指揮竇顯羽林前衛指
揮僉事侯忠金吾左衛指揮僉事張能等送往迤
北公幹乞念微勞量加陞授

上命友陞一級鐸已陞者罷 都察院強盜越獄左
副都御史寇深劾奏提獄^御史蘇燮捕盜御史吳碩
原問御史白曉及諸獄官罪

上皆不問命同其堂上官陳狀深率變等上章輸服
乃皆宥之

庚午

陸吏部左侍郎李賢為本部尚書兼翰林院學士
掌文淵閣事賢上疏云臣猥以菲才叨任侍郎自
揣其分猶且不堪茲又蒙

聖恩復陞尚書兼學士臣聞命驚惶措躬無地即行
懇辭未蒙愈允退而思之于心有愧揆之輿論實
所未愜乞容臣仍以左侍郎兼學士改回尚書之
命使臣心得安當勵忠貞之節效犬馬之勞以圖

報大恩於萬一

上不允調禮部左侍郎兼翰林院學士許彬為南

京禮部左侍郎翰林院修撰岳正仍於內府授內

使書

辛未

勅都督同知毛忠往甘肅充左副總兵協助西寧侯
朱誠鎮守地方署都指揮同知蕭敬充右副總兵
仍守涼州分地

命山西都司署都指揮僉事張雄實授前職調翰
林院修撰岳正為廣東欽州同知初正言于

上曰石亨吉祥等恃寵驕橫恐貽後患臣請闕二人
使各懷疑貳去之猶反掌因往語吉祥曰石亨常
令杜清東共欲何為吉祥曰致誠疑耳正曰不然
彼欲觀公所為宜謝遣之勿容其數來且勸吉祥
辭兵柄吉祥石亨因合謀去正會承天門災正極
言石亨將為不軌且言陳汝言不宜陞尚書宜用
盧彬為侍郎二人俱譎悍若同事必不相容乘其
隙可併^去之及徐有貞繫獄正又言宜復用有貞
則天變可弭吉祥石亨言正黨附有貞
上命調正外任一放太醫院老疾醫士許淳等二十

四人寧家 蠲直隸儀真衛去年被災子粒七百
一十九石有奇 錦衣衛百戶郭祥奏臣父太監
郭敬於正統十四年為事下獄死後又籍沒臣家
將臣給與太監陳祥為奴兄忠等俱獲遼東元軍
今臣已蒙叙用乞將忠等開免
上命悉除其軍伍 刑部右侍郎黃仕俊奏山東濟
南府禹城等三縣去歲災甚該徵糧草請悉蠲免
其他州縣被災稍輕者糧草請存留附迎免其遠
運從之

迤北字來部下達子百十有四人來歸命如例送
錦衣衛安插給以房屋器物 禮部奏本部會官
計議各處建言民情應用監生十人謄錄奏詞周
年更替近年以來監生營求預先送部待缺做效
成風况其間多有書寫粗疎文理不曉者似此奔
競喪其良心請移文國子監今後本部書寫民情
監生并各司寫本監生直待一年滿日移文到監
方許挨次選補不許似前營求越次出監違者拿
送法司究罪以革偷薄之風從之 奉 旨 依 議
癸酉 奉 旨 直 隸 真 定 等 州 災 情 已 詳 前 旨

詔曰朕以菲德早承大統中罹多難復登宸極夙
夜兢惕罔敢怠荒乃天順元年七月初六日承天
門災此誠

上文示謹莫^究所由朕甚驚慌者躬思咎務新其德

永惟奉承

天意必施惠為先其^大赦天下咸與維新所有寬

恤事宜條示于後一自天順元年七月十二日昧

喪以前除謀反大逆子孫謀殺祖父母父母妻妾

殺夫奴婢殺主蠱毒魘魅採生折割謀故殺人及

姦黨已行擄示者不赦外其餘已葬覺未葬覺已

結正未結正罪無大小咸赦除之敢有以赦前事
告言者以其罪罪之一文武官吏軍民人等犯罪
運糶運灰運石運水和灰運料煎鹽炒鐵做工擺
站立功哨瞭募充儀從軍伴膳夫者悉皆疎放各
還職役寧家隨住其終身炒鐵煎鹽者有年五十
五歲以上及篤疾者有司驗實亦與放免其文職
官吏犯枉法贓罪例該充軍者葬回原籍為民若
不枉法等贓例該為民并已問結曾訴冤枉者自
天順元年正月二十一日至七月十二日止及考
退罷輒等項見在京者悉與冠帶閑住吏仍為民

後

錢糧等物及邊餉糧儲并一應入官贓物追陪未
完者悉與蠲免

一內外法司照出強盜及一應在逃重囚中間恐
有冤枉詔書到日與免本罪其在官強盜有強姦
殺傷人及累犯不悛者發邊遠充軍其餘監禁羈
候提人待對并照勘未到者悉皆免放各還職役
寧家隨住

一凡今後謀殺故死軍人律該處死仍將正犯戶
丁抵免軍役其餘闖殿等項殺死軍人者依律償
命免戶丁充抵軍役

一各處天順元年七月十二日以前派辦額辦拖欠物料除軍需遮洋等項船料不免外其各色皮張白真黃牛皮魚油翎鰓黃白麻銀硃生漆掄槐攪等木檫麻連包荆條蒲草猫筆等竹黃臘銅線雜草土硝瀛沙等料及安慶等府逃年該納南京均工蘆柴除已徵在官者仍令起解以充今年額辦之數未徵收者悉皆停止其油椿木石磨亦待下年解納以後三年一換永為定例不許內外衙門更改朦朧奏請追徵違者罪之一景泰七年以前各處歲造段匹除已繳完徵絲

後

後不為例一景泰七年十二月以前各處該徵稅糧馬草本色折色農桑人丁絲絹屯田并回并地畝子粒糧草戶口食鹽鈔米諸色課程并一應採辦買黃白蠟厨料果品等除拖欠已蠲免外其餘已徵在官者所司見數收貯以充日後採辦買辦之用敢有乘機侵用者依律治罪若起解在途者仍送原定衙門驗其正數不虧即與收受准其作再辦之數不許刁蹬該部差官踏勘山東河南北直隸空閒地土俱免踏勘其新增起科田地除造冊已定

外其餘悉皆除豁民開河灘沙淤田地所司踏勘
是實即於附近空閑地宜內撥補應有情願承佃
拋荒田地者有司聽畝仍照輕例三年之後起科
就於本處^倉廩送納其各處軍民人等天順元年七
月十二日以前借過預備等倉糧米俱免還官以
甦困敝

一在京在外文武官員若年七十以上及年未及
七十有疾不堪任事者俱准自陳數仕其才堪倚
注特旨留用不在此例

一自天順元年七月十二日以前有犯偷盜倉庫

前

料在官者照舊起解准^作今年歲造之數其餘未
曾織造及原派蘇松抗三府并浙江等布政司上
用供用賞賜等項紵絲紗羅綾段改撥納等項俱
以三分為率量減一分以甦民困及光祿寺羊換
器皿等項自天順元年正月以前拖欠未完者俱
各停免已聞物料者准作今年該造之數以備支
用

一內外各處造^作除城垣河道倉廩急務所在官
司具陳修理外其餘一應不急之務暫^且停止各
衙門不許擅自移文興工修造果有應修造者亦

要奏請定奪

一惜薪司各處攬柴人夫及滿城山廠採運柴炭人夫自天順元年七月十二日以前拖欠及在逃病故缺工行提未解及部運官吏人等違限罰納柴炭等項并年例供應柴炭黃穰苗等項者悉與蠲免其今年各色失班人匠俱免罰工止當正班以甦民困

一在外各衛所季造軍器儘其見在物料照數成造其天順元年七月十二日以前拖欠之數悉暫停止不許再行朦朧科派擾民違者罪之

一正統十四年召募義勇民壯報効人等來京操備後因在逃發充軍者悉放寧家其有自願當軍者聽

一奸黨親屬有已發充軍及抄提已未到京者元惡止令親房一人充軍其餘內外親屬等親悉與放免官復原職軍還原伍民還寧家

一文職官負監生生員承差知印民人及欽天監官舍天文生人等自正統元年以後至天順元年七月十二日以前有為事問發各處充軍除謀逆奸黨不孝者不赦其餘不分已未到配所盡行宥

免起送談都^部序用肆業寧家其宣德十年正月以
後犯罪充軍例談止終本身有亡故者其隨住人
口隨即放回寧家開諮軍伍衛所官吏仍將開諮
緣由具奏不許故違刁蹬留難若曾經衛所朦朧
發回勾擾者兵部悉與查理分諮
一在京近侍風憲官天順元年以前為寧^事降除雜
職無贖罪者吏部查理對品調用
一廣平武定侯子孫還職襲侯爵富陽侯安順侯
成山侯保定侯子孫俱襲伯爵鎮遠伯復侯爵清
遠伯會寧伯子孫俱為都指揮使安平伯榮昌伯

子孫俱為都指揮同知都督王敬子孫為指揮使
一内外文職官員署職試職官員詔書到日悉與
實授也

一自正統元年以後天順元年七月十二日前以
軍官并旗軍將軍力士校尉舍餘人等犯罪及陳
言調衛降等并發遣各處立功哨守充軍常川操
練等項除謀逆奸黨強盜不孝者不赦其餘盡行
宥免復還職役仍回原衛原管事者照舊管事原
帶俸差操者照舊帶俸差操其在逃者詔書到
日為始限三個月以裏自首俱免本罪復還職役

一自正統元年以後天順元年七月十二日以前
軍官并總小旗甲父祖原係軍功陞授職後有為
事降等疾故子孫止依降定職後襲職補後者俱
准襲補父祖原舊職其後有父祖為事亡故等項
子孫襲職照例調衛者悉回原衛後不為例不願
者聽

一在京軍職有告要情願調出在外都司衛所者
聽從其便原管事者照常管事原帶俸差操……
一各處鎮守守備管官先因失機等項記罪在官
者悉免提罪正統年間福建布按二司等衙門文

職官失機降除雜職者俱令還職

一在京各營在外各邊及各處軍衛有司原養騎
操寧牧馬騾驢牛并種馬馬駒擠乳牛隻長生牛
毛及雞鵝等畜自天順元年七月十二日以前一
應例死拖欠走失被盜并查出埋沒及逾年起解
拖欠等項盡行蠲免

一自正統十四年以來各處官軍人等殺賊有功
已經造冊到部啟勘三四者次果無違碍照例陞
職其間有重陞職役者准令改正及有官下弟姪
兒男殺賊有功陞職事故者令子孫承襲如無嫡

子就令弟姪兒承襲

一文武官吏先因為事充軍後調別處衛亦有願任原籍附近衛分當軍者原衛未曾開豁二處俱有名籍清理行勾以致重役今後有此重役者該部查理明白止許復調衛分充軍

一錦衣衛將軍力士校尉有為事發遣各處充軍立功哨瞭等項有該回衛者俱取回京調衛差操一在京在外武職有因為事及襲替不明有同姓為婚有被叔伯姑姪等親倚恃尊長朦朧捏告革職為民者查審明白俱令復職

一正統十四年以來在外各衛指揮使因功陞都指揮仍在本衛帶俸者俱令都司到任食祿管事如果多餘亦令本司帶俸

一文武官員先因為事發去大同等處充軍正統十四年曾有旨宥免冠帶回家閑住者吏部查勘明白俱令還職果年七十以上者仍令冠帶閑住一各處士中果有學貫天文才堪經濟隱居高蹈不求聞達者所司具名實來聞當以禮徵聘

一民間義夫節婦孝子順孫及同居共爨五世以上鄉鄰掌稱其孝友者有司取勘以聞即為旌表

一水旱災傷去處如遇饑民缺食有司加意撫恤賑濟逃民招撫復業免其糧差三年及各處地方有^因國飢疫身死無人收葬者所在軍民有司即與掩埋毋使暴露

一各處都司衛所軍官有^因種子粒住俸者照舊閏支各邊軍人月糧不分馬步俱閏本色米一石隻身老幼照舊

一文職有犯贓罪曾訴寃枉行勘未報者悉令復職有不係年老回品以上因病告回調治痊可堪任用者職其復職

一今後文武官負人等為事犯贓充軍為民降調者遇赦不宥永為定例

一凡軍民利病時政得失並許諸人直言無隱其在京各衙門大小官員各陳所見以匡時政之失言或乖謬亦不加罪於戲

天心薦愛敢忘警懼之誠民歌惟從誕布寬仁之澤播告中外咸使聞知 山西按察司副使韓雍初為魚都御史巡撫江西及召還改官寧王奏其出入乘肩輿被召時送者列隊舉砲帶刀捧劍以張

上謂雍輕薄無狀徵下獄獄上命致仕

丙子

中元節遣官祭

長陵

獻陵

景陵後軍左都督皮兒馬黑麻都督同知伯顏達

里乞賜姓名

上賜皮兒馬麻曰馬克順伯顏達里曰于忠

丁丑

賜蜀世子嫡長子名曰申致內江王子名曰申錦

德陽王子申鈺申鏞賜衡山王貴域沅陵王貴

壻萊戶各一陽曲王美堯稷山王幼拱黎城王幼

煖河東王鍾鏗太谷王鍾鏞萊戶煤戶各二河東

太谷二王并博野王成鏞定安王美鐔又各奏啟

祿千石內三百折鈔供德不敷請如襄垣王遜輝

例折支銀布從之自

上復位以後諸王求請不一有司屢奏抑之

上悉復容俯從其請陞都察院左副都御史寇深

為本院左都御史兵部奏近有旨令查雲南廣

東等處征進達官達軍數目自正統七年至景泰

七年共調去一千八百人
上曰此達官違軍多與朝廷出力始因地方未寧就
留彼處住劄聽調殺賊中間亦有不繫家室者在
彼年久恐致夫所俱仍取回原安插地方聽其休
息沿達有司照例應付毋得生事擾人

戊寅

刑部尚書軒輅以老疾乞致仕從之

命錦衣衛百戶逯杲及軍旗等俱陞一級以擒獲妖
賊郭貴功也 戶部郎中楊祀奏薊州迤東諸邊
官軍數多積糧有限今永平等處收貯綿布綿花

欲依時直給官軍准其九月十月俸糧從之 夜

彗星犯井宿

己卯

太宗文皇帝忌辰遣官祭

長陵

命廣西都司署都指揮使彭英實授前職

命兵部將姦黨等項調衛及充軍遇赦還者官軍俱

調外衛民籍原籍係京民者亦遷外郡

命保定等處軍民夫九千餘人修築靈丘縣土城

忠國公石亨太平侯張軌奏保為事醫學訓科馬

最精通醫術乞留太醫院從之 守備偏頭關都
督同知杜忠奏即今迤北虜人多以饑寒來歸恐
有奸詐宜送南方沿海衛所安插事下兵部議謂
自春至今來歸者已五百餘人况俱留在京支給
月糧賜與房屋供億甚費除皮兒馬黑麻等特旨
授官南京外其餘及以後來歸者宜送山東登州
萊州等衛所照例安插給與無糧田也有願効力
者與軍一體操練從之

庚辰

慶王秩塏以母封禮畢欵率官眷詣闕謝恩

上以道遠復書止之

大同總兵官都督李文奏六

月五日官軍於威遠衛地方遇達賊二千餘騎與
交戰生擒達賊五人斬首十六級獲馬百二十餘

辛巳

賜遼府鎮國將軍豪橫并夫人江氏誥命冠服調
南京太常寺少卿王謙於太常寺謙以考滿至京
詣求忠國公石亨薦入文淵閣知制誥
上不允亨固請之遂留太常寺供事
命千戶王瑛復原職署都督僉事獨石立功張義復

命原職都督僉事

命徵彭德清子英等在遼東充軍者回欽天監肆業

從掌監事禮部侍郎湯序言也脩倒馬關城垣

壬午

復以故廣平侯表容庶子瑄襲封廣平侯富陽侯

李茂芳子與襲封富陽伯安順侯薛貴姪忠襲封

安順伯成山侯王通子琮襲封成山伯保安侯孟

瑛子俊襲封保定伯容等先以罪削爵子孫不得

襲已久至是忠國公石亨等為之言於

上故於

復之

命故濟陽衛指揮使劉俊姪英濟州衛指揮使宋貴

子昇羽林左衛指揮使蕭盛子震府後軍衛指揮

同知謝能子陰燕山右衛指揮僉事盧榮子璿羽

林前衛指揮僉事王宣弟宗南京孝陵衛指揮使

梅謙子霖旗手衛指揮使梁廣子祐羽林左衛指

揮僉事字安子環金吾左衛指揮僉事劉成子通

張寶子玘俱襲職金吾前衛指揮僉事施祥子英

通州左衛指揮僉事蘇潤弟源南京羽林前衛指

揮僉事劉喜子英俱代職賜內官鄧永德勝門

外田八頃故都督同知錢貴妻陳氏河間獻縣田

四十八頃三十畝各從其奏請也 中都留守司
指揮同知尹澄與留守穆盛有隙誣奏盛乃回回
遣種以交結奸臣于謙得授是職使之晨夕侍
高廟實囊贖不潔宜徵還別用事下法司勘誣坐澄
贖徒調遼東鉄嶺衛差操
癸未
勅諭南京文武大小衙門曰朕惟在昔
太祖高皇帝創業秉統定鼎
列聖相承篤念根本莫不重管鑰之寄委心膂之臣
肆朕復位格格体前猷特命太監周礼馬琳保安及

魏國公徐承宗等專守備網維攸係倚注非輕允
有合行事宜俱已載之舊勅咨爾文武衙門大小
臣庶要當上下同志内外一心清慎律身恭儉惟
德母貪墨以隳名檢母荒怠以弛職業毋作聰明
以紊典章毋怙勢威以凌群下苟違訓戒即連罪
愆有犯不收必罰不赦其政事所當商議官司所
當約束者悉聽周礼徐承宗等商議約束如或執
偏見以誤事撻徇私心通而妨公道則責有所歸爾
等其懋之教之務在群僚得人百度脩舉軍民得
所畿甸靖安以益鞏固根本之地欵欵故諭

鳳陽神宮監太監雷春奏

皇陵并白塔墳正殿西廡金門碑亭及齋宮靈星門
神厨庫房等處俱被風雨損壞

上命南京工部委官與中都留守等官勘視脩理

奉御韋良奏臣奉命帶領看墳六戶看守

仁廟恭靖賢妃墳塋今增添恭懿惠妃真靜敬妃二

墳墳戶數少請於附近昌平宛平二縣僉撥四戶

看守為便從之 四川董卜韓胡宣慰使司遣番

僧沙加阿此兒等廣東河源縣猿頭菓志山等俱

來朝貢方物賜鈔綵幣表裏襲衣有差

命陣亡都督同知王貴孫公孫陸都指揮使左都督

梁成孫沙班陸都指揮同知左都督吳克勤子琮

陸都指揮僉事俱世襲指揮使駙馬都尉并源弟

宗漢陸世襲指揮僉事俱錦衣衛帶俸 都察院致

仕右副都御史朱鑑詣京上表稱賀覬求復用吏

部以聞

上曰鑑既以老疾致仕何乃不遵禮法妄自來京免

其問罪速令還鄉 調翰林院檢討耿裕為直隸鳳

陽府泗州判官裕右都御史九疇子以兵部尚書

陳汝言言其父既外任其子不當在京故有是命

黜徐有貞為民有貞既左遷廣東右叅政赴任會
有以飛章誹謗者

上疑有貞所為差官追至德州執還命錦衣衛及三
法司雜治之初有貞封武功伯例給誥券有貞自
為制文其詞曰朕惟竊有功德顯有德國家之令典
天下之大經也若夫定策以安無宗社代言而贊皇猷自古為難於斯乃得眷惟文武
之全才宜典鈞樞之重任咨爾兵部尚書兼翰林
院學士徐有貞才堪華國道足經邦資弘毅而秉
忠純貫天人而通今古早擢賢科首登制舉簡自

先朝貽于朕用史館秉春秋之筆經筵陳仁義之言
聖作鎮北州已展勤王之偉略治水東郡復成績禹
之神功由是叙長憲臺總司風紀迺者奸臣謀變
社稷發危賴爾忠誠以定大策遂能擁載朕躬光復
天位迺自中丞之職進兼司馬之權展采論思陞華
宥密謀猷具善啟沃良多夫既屬以心腹而任之
股肱是宜酬其勲勞而昨之茅土爰錫西周之世
封用承東海之宗祐茲特封爾為奉天翊衛推誠
宣力守正文臣特進光祿大夫柱國武功伯食祿
一千一百石子孫世襲指揮使仍命爾兼華蓋殿

大學士掌文淵閣事於戲中外宣力朕惟用爾以
功左右納忠爾惟輔朕以德居黃閣而無典或機
信乃禁中之頗牧直紫宸而彌綸國體允維王室
之甫申尚匹休于前人用馳榮於來裔永崇世祿
光我命封詞成雜他制誥進之朦朧給授至是
上於文華殿出示三法司命會多官擬議以聞明
刑部等衙門左侍郎劉廣衡等論有貞本愴邪小
人鄙陋庸夫叨蒙

聖恩歷任顯要不能感恩報德乃敢玩法欺公詐為
制文竊弄國柄自謂其文可比迹於仲尼妄論厥

績能希蹤於神禹揚其才猷則曰資弘毅而秉忠
純誇其學識則曰貫天人而通今古武畧無能乃
自處禁中之頗牧謀猷不著又自任王室之甫申
甚者敢以定策擁戴為己功謨謀啟沃為身任妄
自尊大居之不疑不忠不臣莫此為至宜如律斬
之市曹為人臣欺罔之戒疏奏
上曰有貞罪固不容誅但犯在赦前其宥死押發雲
南金齒為民

甲申
命故太監王振家屬在遼東鉄嶺衛充軍者改回京

命衛充軍 都督僉事李鐸奏宣德五年臣令異姓親屬於肅州上米中淮盜三千引至今未關乞勅運司關給為便從之舊制商旅中盜有不次支給者謂之存積有循次守支數十年者謂之常股時鐸特息妄以他人所中循次盜朦朧妄奏掩為已物越次支給獲利數倍自是武臣多效之命故山西都指揮僉事張淮姪担龍為指揮同知命湖廣辰州衛帶俸都指揮僉事王英於本都司理事 賞錦衣衛指揮同知袁彬鈔一千貫綵段二表囊旗校梁聚等各鈔二千貫段二足以擒獲妖

言聚眾反賊功也 河南陳州界首巡檢司巡檢李剛奏本司東北連直隸鳳陽西南抵河南開封其間州縣地方寬闊軍民雜居比年以來山東等處流民及附近武平等衛逃軍潛住諸軍民家或二三五戶至十餘戶者有之往往不務生理群聚行劫鄉村臣到任纔及一年其所捕獲已不下百餘人近者諸盜讐臣捕治之急遂相率劫臣家財傷臣妻子及弓兵十餘人又強劫械囚因而殺死巡吏所居軍民驚惶不安若不預為處置恐積久滋蔓為患不淺事下刑部請命河南三司各委堂上

官親詣其地設法撫捕期于賊息民安從之
丁亥洛陽王勉呈奏欲於本府軍校之家釋取謹厚無
依婦人并女子以備使令
上不許命司禮監撥內使二人與之

戊子進封南和伯方瑛為南和侯都督陳友為武平伯俱
子孫世襲陞署都督僉事白玉為都督同知都指
揮張任李震俱為都督僉事都指揮同知安順為
都指揮使工部尚書王永壽戶部郎中董顯夏時

俱陞俸一級賞致仕兵部尚書石璞戶部侍郎孟
鑑各鈔一千貫綵段三表裏以湖廣洪江等處累
殺蠻賊功也封後軍右都督石彪為定遠伯子
孫世襲左都督在揚能為武強伯右軍右都督李
文為高陽伯俱流伯陞後軍都督同知杜忠為右
軍都督僉事江福董斌俱為都督同知都指揮使
張鵬為後軍都督僉事都指揮僉事袁勝為都指
揮同知右少監郭閔田霽俱為左少監以大同威
遠等處累次殺賊功也初工部奏河道有郎中
主事及巡河御史管理

上勅右都督徐恭專管漕運至是恭言平江伯陳瑄
總督漕運兼理河道今若令臣不得兼理河道恐
有誤漕運
上從之令如平江伯故事
陞江西布政司右布政
使耿九疇為四川布政司左布政使
陞縣典史
倪敬妻潘左源汪清蘇蘆祿白瑛金澤王儀孔鑰
李堅宋琛嚴樞朱倫黃讓盛景王紀驛丞吳鄒秦
絃章亮陳顯劉紀林璟揚敷戴昂俱為知縣敬等
景泰時以御史降除雜職至是有詔風憲官坐事
降職無贓者俱對品調用之故有是命
直隸淮

安府徐州河南懷慶衛輝諸府各奏今夏淫雨河
決萬全都司奏今夏不雨七月初五日忽下冷雹
山東濟南浙江杭州嘉興諸府各奏飛蝗衆多傷
害稼穡租稅無徵事下戶部覆視以聞

己丑

封石城王奠堵生母趙氏為寧惠王夫人賜誥命
命為事復職南京中軍都督僉事趙倫仍舊管事
命前福建左布政使宋彰副使邵宏譽僉事王迪董
應珍等復職右叅政周礼左叅議全敬徐傑副使
高敏僉事况真言等復職致仕彰等先以失机宥

死降除雜職至是會赦俱命復職祀等七十以上
故令致仕命庚寅後等衛帶俸都指揮使鄭真都指揮同知徐
瑄都指揮僉事董俊李虎胡璽俱往南京管軍操
備故刑部左侍郎盧祥子泰太僕寺少卿劉容
子鍾俱奏乞入國子監讀書從之祥容俱於永樂
初請難有功故也金吾右衛正千戶白琦奏教
坊司樂工婦女借用服飾正統年間已嘗禁革而
猶不遵法庶依然借服異色花樣紗羅綾段等衣

內襯大紅織金及戴金玉寶石首飾珠環之類街
市往來坐轎乘馬多瑞僭祀不可勝計請勅所司
出榜禁革如有仍前不悛故違祀法者令五城兵
馬擒送法司懲治其罪庶使貴賤有別服飾有等
從之

辛卯

上諭戶部臣曰自遼東抵陝西守邊官軍殊甚勞苦
其遣給事中并戶部官各六人分賚白金往勞之
人賜二兩計用七十萬兩有奇是夜彗星犯水
位南第二星

大明英宗睿皇帝實錄
卷之四十四
天順元年八月
壬辰朔
衡山王貴賢洵陽王祿埤各奏舊賜袍服羊皮敬
壞
上命賜大紅織金袞龍紵絲紗羅各一疋
連帽指
揮使哈三千戶馬黑麻百戶亦不刺忻先因朝貢
已授今官至是來歸命錦衣衛帶俸
戶部奏先
是奏准歲出內帑官絹折與在京官員七月八月
之俸今照收貯官絹數少綿花數多請以絹布相

大明英宗睿皇帝實錄
卷之四十四
天順元年八月
壬辰朔
衡山王貴賢洵陽王祿埤各奏舊賜袍服羊皮敬
壞
上命賜大紅織金袞龍紵絲紗羅各一疋
連帽指
揮使哈三千戶馬黑麻百戶亦不刺忻先因朝貢
已授今官至是來歸命錦衣衛帶俸
戶部奏先
是奏准歲出內帑官絹折與在京官員七月八月
之俸今照收貯官絹數少綿花數多請以絹布相

燕支給從之 先是內府各監局軍伍月支米一石餘丁不支宣德間以軍伍輪班上直得以休息又日支光祿寺飯足以養贍故月令支米六斗景泰間又正支四斗至是右少監顧恒等奏稱各軍艱難遂命軍伍月支米五斗餘丁月支三斗

癸巳

調南京禮部左侍郎許彬為陝西布政司右叅政光祿寺寺丞王鍾為山東膠州同知 太保寧陽侯陳懋奏其兄恭任都督為事克軍已故今遇大恩例乞將恭子濟襲職

上命襲恭原職指揮同知 兵部奏金吾左衛指揮同知楊琳等毀罵親長法司問罪已畢欲照赦例還職

上命兵部臣曰軍職敗倫傷化不許復職係宣德年間定制今琳等雖法司問擬明白既遇大赦亦令復職後不為例 達子也先帖木兒及其部屬九十餘人來歸

上命為指揮僉事千百戶鎮撫等官照例支俸安插

甲午

上躬禱於

昊天上帝詞曰茲者彗星出見于今兩月光芒尚在
垂變不消必闕失之政未更乖違之行未改罔咎
天譴以致如斯臣深疚于衷痛省其過兢兢戒懼
不敢暫忘謹復齋沐仰叩蒼穹俯察丹悃轉災為
福弭變為常惟七政以無愆願列星而順度永保
洪圖之固均期萬姓之安臣無任懇切祈哀之至
改南京禮部右侍郎龔永吉為南京大理寺卿
陞南京大理寺右少卿李茂為大理寺左少卿
廣東都指揮使干羽以罪調貴州會赦歸京尋復
坐犯姦為校尉所得法司論贖徒還官

上命歸本都司帶俸聽調殺賊太常寺少卿陳贄
以老疾乞致仕不允南京戶部奏龍江關鹽倉
檢校批驗所歲收商旅餘鹽供應南京光祿寺等
衙門近因歲歉民飢從尚書李敏等議暫收米以
賑飢荒今歲豐民安宜收鹽從之夜東方有星
大如盞色青白尾跡有光起自狼星傍正東行至
近濁

乙未

蠲湖廣武昌長沙永州黃州四府去年被災田糧
十六萬五千九百六十九石有奇召商於貴州

等處中納鹽糧貴州城倉中淮鹽每引納米五斗
三升浙鹽三斗五升雲南黑白井等鹽七斗五升
四川上流等井鹽六斗普安衛倉中淮鹽每引納
米四斗浙鹽三斗雲南鹽六斗四川鹽四斗五升
南京戶部奏先是雲南浙江福建廣東等處草
寇竊發選南京官軍征討缺人守城從豐城侯李
賢等議暫選各衛舍人餘丁共八千餘人給與口
糧操練守城今各處寧謐官軍回京其前項舍人
餘丁宜暫^陳免故停支口糧以省京儲從之 稷山
王幼拱奏妹鄴陽縣主卒傳喪在家無以為葬乞

賜葬費命賜布絹五十疋米五十石 日生背氣抱
氣各一男生左右珥色皆青赤

丙申

書復樂平王冲焚曰比得奏詞具悉尊意叔祖之國
係先朝分封于今年久况平涼亦非邊境地方難又
遷移別處及欲稱移建昌衢州鳳翔鞏昌府分此必
下人誘說切不可聽信叔祖自今宜善加調護以享
安靜之福庶不乖于

祖宗憲章惟叔祖亮之

丁酉

釋奠先師孔子遣吏部尚書兼翰林院學士李賢
行禮給隆慶衛官軍馬百五十四匹

戊戌

祭

太社

太稷四川重慶府永川縣民鄧棋奏政令一則人

易守科場繁則人易惑

祖宗數十年間所以不輕出一令者慮擾民也切見
四川民間賦役俱有定制其徭役臨期量力差遣
近有官司輕於變更造成均徭冊以民間稅糧多

寡為差分上中下三等預先定其徭役且川蜀之
民有稅糧多而丁力財帛不足者有稅糧少而丁
力財帛有餘者今惟以稅糧定其科差則富商鉅
賈力役不足而農民終年每休息之日矣臣恐數歲
之後民皆棄本趨末為患非細又如民間稅糧舊
制止於成都府廣豐等倉上納引選有力之家轉
運各邊一人所運不過五斗是以人不知疲邊儲
易足近者均徭冊成糧多之家獨運一二十石赴
邊儲少之家亦運數石且每糧一石自家至境計
其路途所費有用銀一二兩者有用三四兩者是

以農民益困多致逃竄邊餉不足乞勅該部革去
新例止存舊制又言洪武間每里百一十家內以
丁糧多者十家逐年輪充里長其餘輪充十年甲
首遇有朝廷科徵里長自出十之三十甲共出十
之七所以民有一年之勞而有九年之逸近年但
遇科徵里長一錢無費而偏取於一里百家之中
其間歸於官者十一而私于私者十九是以里長
日至富盛甲首日益貧難之行有司禁革事下戶
部請移文四川布按二司斟酌差科以從民便其
有里長害民者如律究治

上命行其說於天下先是徭役里長多賣富差貧正
統年間江西咨議夏時建議造冊以稅糧多寡為
差官為定其徭役謂之均徭冊民初以為便時四
川按察司副使劉清請行其法於四川而四川之
民反不便議者謂任法不如任人云

己亥

陞南京戶部福建司主事審瑛為貴州司郎中雲
南司主事張榮為四川司員外郎刑科給事中羅
晟仍舊任以親喪服闋也命前刑科給事中王理
復職理先坐事謫戍邊後得冠帶閑住至是遇赦

復職調福建都指揮同知陳信於山東都司守
備倒馬關署都指揮僉事吳璫於河南都司分管
江北淮安等十八衛漕運 調大理寺右少卿翟
敬於南京大理寺戶部福建司主事宋壘福建延
平府通判敬等坐與修撰岳正有姻命俱調外任
敬諂求忠國公石亨得調南京 調監察御史靳
敏為江西宜春縣知縣敏巡按貴州還京本院考
覈敏阿附都御史蔣琳枉問人罪故調外任 改
旗手衛百戶張福為戶部陝西司主事仍於文華
殿書辦福原充衛總旗自陳書辦有勞得陞百戶

既而又陳自幼不諳武事故復有是命皆中官所
薦也 岷王徽燦奏本府額設樂舞生一百二十
八今止有六十人每遇祭祀或有事故缺人供事
乞將附近府州縣官觀道士道童及各舉考退生
員選補以足其數從之 鎮守湖廣靖州都督僉
事李震奏武昌衛指揮使吳經弟綬居喪廬墓已
蒙旌表兼有智謀通曉兵法乞量授之職於臣處
釐理軍務

上從之命綬為所鎮撫遣之往 夜月犯東咸

庚子

陞中軍都督僉事杜清為都督同知仍管府事
命金吾左衛指揮同知劉玉武驤右衛千戶賈通
錦衣衛千戶錢亮高玉蔡英百戶楊斌吳寧俱陞
一級子孫世襲玉等六人乃故太監劉增賈亨僧
保高讓蔡玉楊英姪寧太監吳亮孫也 陞山東
兗州府同知黃瑜為本府知府耆民奏保瑜持身
端謹撫民有方堪任府正巡按御史并布按二司
覈實有聞故有是命

辛丑

賜司禮監右少監李福通州田四頃五十畝兵仗

局左副使李儀真定府新樂縣田四十二頃
壬寅

賜秦府永興王長子誠瀾冠服 增寧河王美福
歲祿三百石米鈔兼支并窯戶一戶從王請也

陞太監劉永誠姪都指揮僉事聚為後軍都督同
知 陞刑部河南司郎中夏時正為大理寺左寺
丞大理寺左寺正董方為右寺丞 沂陽公 錫

洵陽王祜埤各奏臣歲祿二千石內本色米五百
石餘悉折鈔供億不敷請減除折鈔量增本色米
一百石永興王公鉅襄城王範堦保安王公鍊各

奏府中鈔益乞歲賜官益三十外
上悉從之
命致仕陝西署都指揮僉事丁剛子瑜代為青州衛
指揮僉事
癸卯
調山西行都司都指揮同知袁勝於山西都司
給御監勇士并武驥左等衛官軍馬四千二百餘
匹
廣施州等衛忠峒等安撫司遣舍人楊三等來朝
貢馬及方物賜鈔綵幣表裏有差

甲辰

岷王徽燦奏以建玄

東宮歆躬詣闕稱賀

上以道遠復書止之
擢行人李勝楊璉博士王祥
進士馬騄俞璟程萬鍾知縣劉譽訓導章璠康弘
敬顧儼監生韓繁侯由何楚英李開余亢周祐李
蕃朱鉉許傑魯相朱驥易廣王儼劉慶裴斐孫泰
李旻王嶼馮昱俱為兩京試監察御史
後軍左
都督曹欽奏臣父太監吉祥管操乞辭臣所管遊
擊管操只令隨父操練

上不允

己巳

哈密忠順王弟卜列革遣使臣阿都喇等四川烏思藏刺麻也律等來朝貢駝馬及方物賜宴并鈔幣綵表裏紵絲襲衣等物 革湖廣岳州府臨湘縣城陵臨湘二茶引所 陞道錄司左正一邵以正為晤玄養素凝神冲默闡微振法通妙真人仍掌道教事以正早得法於長春真人劉淵然淵然器重之宣德間薦於

上遂被召用景泰間陞真人後具疏辭仍任左正一

閒住至是正一嗣教大真人張元吉奏保其戒行真誠復有是命 慶王秩隆奏臣嗣先臣爵歲祿萬石後三弟受封出閣因封內糧儲不足暫於臣祿米中撥二千五百石分給之今邊境寧謐糧儲有餘乞如舊制撥賜臣為便

上命以鈔折米二千五百石足之 鎮守甘肅太監蒙泰奏七月五日達賊二千餘騎入鎮番境內官軍殺賊衆生擒三人斬首四十九級獲戰馬一百餘匹駝十八隻兵部議恐此虜復來報讎宜行甘肅等處總兵等官嚴切隄備從之

丙午

命後軍都督同知董斌充右副總兵江福充左叅將協同總兵官楊能鎮守宣府 調山西行都司都指揮同知田春於山東都司 命致仕禮部尚書胡濬子長寧為世襲錦衣衛所鎮撫帶俸不任事從濬請也 工部奏真定府靈壽縣大明川歲積木柴數多已將正數解運見有附餘二百萬斤運者皆言路遠費用過當可令於本處賣銀赴京買辦抵數上納從之 山東東昌衛指揮使劉敬先以都指揮僉事掌錦衣衛事坐罪降職至是乞

照例復職回衛

上命復原職往南京錦衣衛管事

夜月食

丁未

祭山川城隍等神 遣旗手衛官祭旗纛之神

戶部尚書沈固奏沿邊民丁多者宜選三丁朋當土兵一名衛所帶管二丁供給及先年發腹裏衛充軍事故勾丁者乞就留邊衛入伍原發衛軍伍開豁如此則緩急得用比之遠調客兵戍邊者不

同

上然其言命兵部臣曰朕念遼東至甘肅一帶邊境

人民每被虜寇侵擾不得安業雖常調朕裏官軍更備操備然不熟邊情用之無益今思近邊人民稟氣強勁膂力過人邊鄙利害戎虜情偽素所諳曉不分軍民舍餘人等有願與朝廷効力者許其自報收附近邊衛寄管令作土兵名色賞銀一兩給與鞍馬器械秋冬操練支與口糧春夏務農任支本戶有稅糧者免徵五石仍除二丁供給免其雜泛差徭該管頭目務加優恤如有事故不許勾補軍還為軍民還為民糧差照舊後有長成壯丁照例告報有功者一體陞賞爾兵部其即出榜沿

邊各處曉諭

戊申

陞直隸鳳陽府壽州判官王長福為本州知州長福任滿九載民數千人保其持心忠厚愛民如子乞陞秩復任巡按御史王常為請于朝故有是命復除山東青州府博興縣縣丞翟謔於本府安丘縣謔以親喪服闋安丘民奏保謔勤慎有為乞借惠一邑故有是命起復四川成都府威州知州何福全仍舊任從土人奏保也

命大能仁寺左覺義乃耶室理為灌頂國師賜誥命

命己酉

遣順天府官祭宋丞相文天祥封遼府沅淩王
第二女為當陽縣主配陸鑑命鑑為宗人儀賓賜
誥命冠服鞍馬等物朝鮮國王李瑋遣陪臣成
奉祖等奉表來朝貢馬及方物賜宴并金織紵絲
襲衣綵幣表裏等物陞光祿寺掌太官署事順
天府通判衛鏞為本寺寺丞戶部山東司主事顧
孟喬為本部山西司郎中給宣府等處官軍馬
三千二百匹故金吾右衛指揮使李讓妻路氏
奏讓於正統十四年八月在大同迎駕蒙陞都指

令揮使九月奉使至行在所又陞都督同知回至大
同病故無子承襲乞賜俸糧養贍以終妾身兵部
言非奉天征討官員例不應給

上命與之不為例

庚戌

賞征廣西柳州等處賊寇有功官軍人等凡八百
八十五人太監鈔一千貫紵絲三表裏指揮各鈔
八百貫紵絲二表裏千戶知州等官各鈔六百貫
紵絲一表裏百戶巡檢等官各鈔六百貫紵絲一
表裏旗軍人等各鈔三百貫絹布各一匹其土官

舍人土兵有功并陣亡不應陞者倍賞之生以
原賜駙馬都尉井源昌平縣田改賜太監尹奉
辛亥

封晉府交城王第二子鍾銀為鎮國將軍遼人貴
瑄長子豪訂為輔國將軍俱賜誥命冠服秦府
興平王志堦薨王興平恭靖王嫡第二子毋妃湯
氏永樂十九年生景泰二年襲封至是薨年三十
有七計聞

上輟視朝一日遣官致祭謚曰莊惠命有司治喪葬
命故右軍都督同知李安子清襲為指揮同知錦衣

衛帶俸南京右軍署都督僉事房顯子政代為南
京虎賁左衛指揮使

壬子

召廣東右叅政左鼎至陞為都察院左僉都御史
仍支從三品俸

命都督僉事張義鎮守寧夏
命達官都督僉事高通往南京後軍都督府理事兼
撫在彼達官頭目人等時南京錦衣衛指揮僉事
呂貴奏本衛安插達官指揮千百戶頭目人等二
百五十八人雖稱歸順其心難測且漢人不曉其

言語乞選在京達官內素有名望諳曉夷語者一員以撫卹之故有是命復貴州按察司僉事李叔彖職先是叔彖以受賂事覺黜為民詣京訴奏副都御史蔣琳挾私主使巡按御史靳敏誣陷并許琳擅作威福數事命御史楊貢等廉之適琳以他事敗貢遂體覆叔彖所奏琳事皆實故有是命金星畫見於己位

癸丑

賜南和侯方瑛勲號奉天翊衛推誠宣力武臣階特進榮祿大夫柱國食祿一千二百石武平伯陳

友定遠伯石彪號奉天翊衛宣力武臣階特進榮祿大夫柱國食祿一千一百石子孫世襲本身免一死子免一死追封其三代及妻武強伯楊能高楊伯李文勲號奉天翊衛宣力武臣階特進榮祿大夫柱國食祿一千石本身免一死俱給授誥券

甲寅

上諭戶部臣曰王紘先為首犯闕法當處死朕體好生之德不忍加誅已遣為民今念其漕運有功戶部可遣官送至陝西安置該管官司務待以禮不許欺侮致有疏虞疎陞通政司通政使王復為兵

部左侍郎左通政張文質為通政使右通政馮貫
為左通政左叅議王溢為右通政右叅議楊樞為
左叅議刑科右給事中尹旻為右叅議 復除翰
林院編修王璵仍舊任以親喪服闋也
命武平伯陳友理後軍都督府事就領寶纛

乙卯

賜秦府汧陽王嫡子名誠漢
命署都督僉事趙輔寶授前職 調貴州按察司僉
事李瓛於四川按察司 海寧伯董興子琮奏景
泰元年隨大軍廣東征剿擒獲賊首黃蕭養并獲

功十一次止蒙陞冠帶總旗後以別功陞正千戶
臣見福建軍人鄧子勝止殺獲賊首鄧茂七別無
功次陞所鎮撫乞照例陞授

上命陞為指揮僉事

命遂安伯陳韶駙馬焦敬印烙南北直隸等處學生
馬驪駒 修承天門外左右直房 調刑部主事
陳杰為遼東都司斷事工部主事沈榮為四川都
司經歷中書舍人何宗為廣東廉州衛經歷翰林
院五經博士高誠為廣西副象衛知事行人司行
人劉儉為廣東廉州衛知事工部顏料局大使金

文珽為廣西慶遠府知事時有假吏糾右給事中
李秉彛名上疏者極言石亨等欺罔事中有訛
上語命執秉彛鞫之秉彛已久病臥家濱死
上問誰與汝有隙者秉彛指杰等六人以對遂釋秉
彛而下杰等錦衣衛獄拷掠不伏俱坐妄議朝政
當調任邊遠故有是命 寧府教授游堅坐教王
遣人縊死其弟 陽王宮人論斬會赦當復職法
司以聞

上以堅所坐重特命編戍甘肅 都察院右僉都御
史祝暹卒暹字孟昭河南祥符縣人宣德癸丑進
士正統元年授戶部主事督餽餉於口外丁外艱
服除改工部未幾改刑部九載陞本部員外郎尋
陞郎中闕寇鄧茂七反奉命贊理軍務論功特進
陞右僉都御史通虜寇犯京師勅暹鎮守保定整
飭兵備已而得疾回京至是卒遣官諭祭命有
司營葬事

丙辰

調工部左侍郎孫弘為吏部左侍郎陞工部右侍
郎霍瑄為本部左侍郎戶部郎中翁世資為工部
右侍郎弘忠國公石亨鄉人麓鄙無藉諂事亨得

陞侍卽至是又求身薦之故有是命御馬監太
監劉永誠秦都指揮盧勝等官軍九十一人於正
統十四年收捕沙洲喃哥都部下有功奉旨待再
有功然後陞賞今又於威虜城地方殺賊有功乞
為陞授

上命俱陞一級時有竊盜三犯刑部奏稱二犯赦
前一犯赦後宜從輕典論初犯

上詔杖一百謫戍甘肅又奉命

丁巳

以崇文門外民田四十八畝有奇葬故太監阮浪

除其租稅

戊午

書復襄陵王冲炆曰承諭念予朝以昧爽恐冒風
寒足見親親忠愛之意且日出視朝禮經所載自
古人君莫不皆然在予率由未嘗違也今領尊意
感德良厚復欲躬領諸子來賀然道途遙遠跋涉
良艱可不必來專此奉報

命都督同知白玉僉事茹鑑陳友鮑政喜信分理五
軍督督府事

命欽仕廣西署都指揮僉事鄧欽子潤代為馴象衛

命指揮使陞達子馬黑麻等十一人為所鎮撫以
從後軍左都督馬克順奉使迤北故也

命已未 例進秩 獻陵衛千戶王瑛乞依咸寧大長公主子授官事
上命為指揮僉事瑛故真定大長公主子也

陝西西安府鎮安縣道會司置道會一員
命廣西按察司副使蔣誠致仕以鎮守左都御史馬

昂考其老疾也 順天府通州并直隸大名廣平
鳳陽天津寧山河南開封汝寧山東

兗州東昌諸

六府衛各奏今夏陰雨連綿阿隄衝決滄浚禾稼租
稅無徵事下戶部覆視之 沁源恭定王佶焯母
余氏薨遣官賜祭命有司營葬

庚申

湖廣靖州軍民宣慰司長官彭武遣弟彭海等永
順軍民宣慰使彭世雄遣舍人彭禮等來朝貢馬
賜鈔幣表裏有差 陞刑部左侍郎劉廣衡為本
部尚書 給錦衣衛官軍馬二百匹 修築永平
遷安二城

指神位... 皇矣二知... 欽此

後... 欽此

... 欽此

... 欽此

... 欽此

... 欽此

... 欽此

... 欽此

大明英宗睿皇帝實錄

... 欽此

書